

Stemmurnar hennar ömmu.

Kristín og Anna Halldóra Sigtryggsdætur kenna nokkrar stemmur

sem þeim eru kærar

laugardaginn 23 ágúst

Kl. 14:30 - 16:30 í Háskólanum á Akureyri



Lækurinn / tvísöngsstemma

Tóndæmi: <http://www.ismus.is/i/audio/id-1035908>

Ég er að horfa hugfanginn
í hlýja sumarblænum
yfir litla lækinn minn
sem líður fram hjá bænum.

Ó, hve marga æskustund
áður hér ég dvaldi.
Saklaust barn með létta lund
og leggina mína taldi.

Bæ ég lítinn byggði þar
blómum utan skreytti.
Yfir tún og engjarnar
oft ég læknum veitti.

Nú er ekkert eins og fyrr
á öllu sé ég muninn.
Liggja tíndir leggirnir
og litli bærinn hruninn.

Æskan hverfur, yndi dvín.
Allt er líkt og draumur.
Áfram líður ævin mín
eins og lækjarstraumur.

Meðan æðum yljur blóð
og andinn má sig hræra.
Vil ég syngja lítið ljóð
um lækinn silfurtæra.

Þegar eg er uppgefinn
og eytt er kröftum mínum
langar mig í síðsta sinn
sofna á bökkum þínum.

Vísa: Gísli Ólafsson

Þegar vetrar þokan grá /Lagboðastemma 30

Tóndæmi: <http://www.ismus.is/i/audio/id-1031109>

Þegar vetrar þokan grá
þig vill fjötra inni:
svífðu burt og sestu hjá
sumargleði þinni.

Þar var löngum lokið skjótt
lífsins öllum mæðum.
Manstu, hvað þær flýðu fljótt
fyrir hennar kvæðum?

Taktu öruggt hennar hönd,
hún mun aftur finna
þau hin sælu sólskinslönd
sumardrauma þinna.

Þar sem loftsins létti son
leið með skærum hljómi,
þar sem yndi, vor og von
vögguðu hverju blómi.

Fljúgðu helst á hennar fund,
hvenær sem þú getur,
við það munu stund og stund
styttest nótt og vetur.

En ef létt er lundin þín,
loftið bjart og næði:
sestu þar sem sólin skín,
syngdu lítið kvæði.

Það er líkt og ylur í
ómi sumra braga;
mér hefur hlýnað mest á því
marga kalda daga.

Þorsteinn Erlingsson

Síðan rætur sorgarljár

Hljóðdæmi:<http://www.ismus.is/i/audio/id-1031608>

Síðan rætur sorgarljár
særir lífs míns rósar.
Mig hafa eittrað ástartár
ólánssamrar drósar.

Stundin harmar sú var sár
sundur armlög slíta.
Hrund af hvarmi höfug tár
hrundu á barminn hvíta.

Hjálmarskviða / Lagboðastemma 78

Hljóðdæmi: <http://www.ismus.is/i/audio/id-1032606>

Upphaf

Gnudda ég broddi fjaðra fals
fast að lettra spjeldi,
þar sem Oddur Arngrím jarls
ellefu niðja feldi.

Entist þor og afbragðs megn
eins, við fjendur digra;
stáls úr sporum steypiregn
streymdi um lendi vigra.

Stála þingi ströngu lauk
stirðnuð gliðna sárin;
upp af dyngju rauðri rauk,
rispar tönnum nárinn.

Geysi móður síður sár,
svala brjósti þeyrinn,
uppi rjóður stála stár
styðst við dreyrgan geirinn.

Vísur: Bólu-Hjálmar.

Hljóð á kvöldi vetrarvöld / Lagboðastemma 58

Hljóðdæmi: <http://www.ismus.is/i/audio/id-1031137>

Hljóð á kvöldi vetrarvöld
vefa tjöld úr snævi.
Reisa öldur faldafjöld
fram á köldum sævi.

Sumar kveður. Svell og mjöll
sveipar beðinn rósa.
Hljóðnar gleði hjartans öll,
harmar í geði frjósa.

Úti stormur kaldur hvín,
kular inn að hjarta.
Yfir daginn dánarlín
dregur nóttin svarta.

Lindin tára tíðum þvær
tregasárin hörðu.
Margur frá, sem flaug í gær,
fallinn er nár að jörðu.

Vísur: Jón Magnússon

Flest í blíða fellur dá

Hljóðdæmi: <http://www.ismus.is/i/audio/id-1031533>

Flest í blíða fellur dá
frekum kvíða sleginn
eg má bíða ánum hjá
en aðrir ríða veginn.

Hjörfameiður hleypti á skeið
hress á leið með vinum.
Ursi greiður undan skreið
essum reiðar hinum.

Veiðiför gamanríma / Tvær stemmur verða kenndar ekki fannst hljóðdæmi nema af annari.

Hljóðdæmi: <http://www.ismus.is/i/audio/id-1031517>

Birta tekur blæju svartri
bregður gríma;
Leggur inn um skjáinn skíma.

Pegar fjalla brúnir blána
björtum degi;
Sjómenn væran sofa eigi.

Á bera fætur bregð ég skóm
og bind með þvengjum,
Á lendum buxna lyfti strengjum.

Hleyp ég svo á hlaðið út
og höfuð kerri,
Nefið beint í norður sperri.

Einnig gægist út og suður alla vega,
Geyspa síðan geysilega.

Hann er svona þykkur og þunnur
þó með bakka,
Jeljadrög í jökulslakka.

Ef hann birtir eitthvað til
og af sér gleður,
slarkfært held ég verði veður.

Ég býst við þeir æði á stað
og ætli að róa,
Láttu kaffið koma Lóa!

Hvergi er ég hræddur hjörs í þrá,
og hér er brókin,
Vað ég tek og veiðikrókinn.

Ætíð fékk ég einn á skip
þá aðrir hlóðu,
Slógið mitt í axlir óðu.

Lét ég öngul síga í sjó
og svo tók dúa,
Lék þá farið létta við hnúa.

Greiðir eigi gjörast ætíð
golþorskarnir,
Þó til dauða séu svarnir.

Sat ég lengi, varð ei var,
þeir vildu ei líta
Bjartan öngul, beitu hvíta.

Jón Thoroddsen

Setjumst undir vænan við/Tvísöngsstemma

Hljóðdæmi: <http://www.ismus.is/i/audio/id-1031836>

Setjumst undir vænan við,
von skal hugann gleðja.
Heyrum sætan svanaklið,
sumarið er að kveðja.

Tölum við um tryggð og ást,
tíma löngu farna,
unun sanna, er aldrei brást,
eilífa von guðs barna.

Endasleppt er ekkert hér,
alvalds rekjum sporið;
morgunn ei af aftni ber
og ei af hausti vorið.

Oflof valið æsku þrátt
elli sæmd ei skerði;
andinn getur hafízt hátt,
þó höfuð lotið verði.

Vísur: Steingrímur Thorsteinsson

Nú er fjaran orðin auð

Hljóðdæmi: <http://www.ismus.is/i/audio/id-1034667>

Nú er fjaran orðin auð
öll með þara gróin.
Því skal fara og reyna hann Rauð
ryðja honum bara í sjóinn.